

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Schatzbehälter der wahren Reichtümer des Heils

Fridolin, Stephan

[Nürnberg], 1491

Alle würdigkeit hat cristum bedeut

[urn:nbn:de:bsz:31-130913](https://nbn-resolving.org/urn:nbn:de:bsz:31-130913)

Alle würdigkeit hat cristum bedeut.

U Die eilfte gegensetzung ist. von der würdigkeit cristi als er d erstgeporn ist.

D Er erst gegenwurf. der herr iesus cristus der der erstgeporn gottes vor aller creatur. Ecclesiastici am vierüd zweintzigsten. der erstgeporn aller creatur. Ad colosenses am ersten. der erst geporen der totte. Apocalipsis am erste. der erstgeporn aufs den totte. Colos. am ersten. Der erstgeporne d iunckfrawen marie. Luce. ij. genet ist. der ist als ein erst gepornes sun. wie in dem yetzgenästen capitel geschribē steet. got geopfert. vnd vmb fünff lot oder grosch. gelöset worden. als ein erstgeporner. der mit vō dem geschlecht leui were. Vnd wider dasselb dz yne die brüster seiner müter verkaufft haben. so ist er ine widerumb verkaufft wordē. Wann Judas hat ine wid verkaufft dē bischoffe. vñ also ist er verkaufft vñ wider verkaufft wordē vō seinem brüder. das er vns. die wir vns vmb die wollüst der sünde. offt dem teufel verkauffen. erlösete. vñ das selb. das er also verkaufft ist wordē. ist der ander articke des aylften gegenwurfs. Vnd ist die erst gepurt cristi bedeut. bey der dreyzehenden figur. do die erst gepornē kneblein. geopfert vñ abgelöset wordē. Aber das verkauffen cristi. ist bedeut

bey der verkauffung iosephs in der vierzehenden figur. welcher ioseph. der erst geporn iacobs oder israhels in der heiligen geschriffte geachtet ist. nit nach ordnung der gepurt. wann also was er der ault. sunder nach freyheit des erbteyls vnd der würdigkeit. als das in dem fünften capitel des ersten büchs der tag gemeldet wirt. doch was er der erstgeporn rachel. der fürderlichsten haubstrawen iacobs. Darumb wirt cristus gar eigentlich in ym bedeut. als auch der heylig babst leo de paschali sacramento spricht. Cristus ist der. der yn ioseph verkaufft. vñ in moyse verwickelt. oder eingemacht in das wasser gelegt ist worden.

U In der fünfzehenden figur salbe vñ weicht d heilig moyses auß gehais gotes sein bruder Aaron zu einem bischof vnd aarons sū zu priestern. In d weihe vnd salbung dye priesterlich würdigkeit cristi. als in d salbung d kōnig sein kōniglich würdigkeit figurirt vnd bedeut ist gewesen. Darumb ist er blöflich auf dz aigenlichst vñ höhst Cristus. das als vil ist als der gesalbt genent. zu einem zeichen das alle würdigkeit yn ym auff das höhst vñ bleiblich ist. Vnd gehort dise figur zu dem erste articke des zwelfften gegenwurfs.

Die funftzehend figur



Alle würdigkeit hat cristum bedeut

Der zwelffte gegenwurf ist von der priesterliche vnd künigliche würdigkeit cristi

Gelcher weys. als cristus nach bedeütus seins namens d gesalbt. in den priestern. Bischoffen. künigē. vñ propheten. gesalbet vnd geweiht. vñ in irer salbung vnd weyhüng bedeütet gewesen ist. Also ist er in irer enterüg vñ entweyhung. enteret vnd entweyhet vnd sein enterung vnd entweyhung yn irer enterung vñ entweyhüng bedeütet gewesen. Hier vmb ist zu wissen. dz alle würdigkeit fürderlich vnd vornehmlich. allein in cristo irheimwesen hat. vñ in allen andern ist sie allein teilnehmlich. vñ nachuölglich. figurlich. oder stattheltlich. vnd darumb so ist sie in andern zeitlich vnd wäderberlich. Aber in cristo gentslich. ewiglich volkommenlich. Darumb eygentlich zeredē. ist allein cristus. mit allein der oberst künig. bischoff. richter. vñ herr. sunder auch wesentlich. ist er allein warer vnd volkommer bischoff. künig richter vnd herr. In des gewalt alle keyser. künig. fürsten vñ herren. Babst. bischof. vnd aller gewalt vñ würdigkeit der creatur. völliglich steen. die allen iren gewalt von im haben. vnd darumb mit weitter oder lenger. iren gewalt mügen prauchen. denn er zu gibt. oder verhengt. vnd sie sind sein statthalter. vnd als vil sie recht regierē. so regirt er in ynen vñ durch sie. darumb belonet er sie. Aber wo sie vnrecht regieren. darumb müssen sie ym rechnüng thun. die schwer wirt sein. Sapientie am sechsten Das aller hertest gerichtē wirt vber die werden. die vor sind. vnd die geweltigen werden geweltiglich peim leide. Also ist aller gewalt vñ würdigkeit volkomēlich vnd vñwānderberlich. allein in cristo. ad

Hebre. vij. Ihesus. darumb das er ewiglich beleibt. hat die ewigē priesterchaft. j. Ad thimoth. ultimo. der allein mechtig er. oder gewaltiger künig ist aller künig. vnd herr der herscher. Apocalip. am. xij. Deshalb ist er wol allein der recht. vnd war cristus. das ist der gesalbt. der in allen gesalbten bedeüt ist gewesen.

Dar zu gelust mich auch hieher zu diesem gegenwurf C vmb kurtzweil vnd lustes willenn. der ienen die dise materien C gibt es got d lesen vnd hōre werde d gar ein schöne historien zeseztē. die auß einem pūch C. das zwelf oder dreyzehē weyh mēner gesetzt haben. vnd haisset kricchysch Suda. vñ herr rupert bischof zu linckon hat es zu latein gemacht d gezogen ist. vñ so die history etwas lang ist so willich sie verkürzen.

Is ist beschehen das zu den zeittē des allermilttesten kayser iustini ani. Ein fürst der iuden gewesen ist. mit namē theodosius. der vil cristen vñ auch dem ytzgenanntē kayser wol bekāt was. dem selben iudē was ein goldschmid mit namē philipps gar haynlich. dem der iud besunder wol trawet. Der selb philipps. d raytzet den iuden oft zum glauben. vnd der iud merckrt wol. das er das auß trewenn vñ sunder lieb C die er zu ym het d tete. Vñ nam es in gut von im auff. Es beschah auf ein tag als der crist aber den iuden mit redē betrat vnd zoch auff den cristen glaubē. Vñ hilt ym für wie er das gesetz vñ die propheten die von cristo geweissagt hetten. wol weste. vnd deshalben mit entschuldiget wer. darumb solt er das vitayl gottes fürchtē. dz er nit vmb seins vnglawes willen verlorē würd. Da antwort in d iud vnd sprach. Das du für mein hail